

广东通志

广东通志

廣東通志卷一百九

甲子重刊

山川略十

高州府

山

茂名縣

廟岡山在縣東六十步舊立廣利王行宮於此

興地

紀勝

仙山城西南二百步隔水潘茂名昇仙煉丹處上

有昇仙觀

寰宇記

又名昇真山一名觀山山頂有二

井曰金井玉井前有石脊穿城出江干突露石角

水常旋渦

通志

東山城東一里一名潘山峯巒高聳環抱郡治爲

郡主山

一統志 大清

山前有潘仙坡亦道士潘茂名

煉丹之所

輿地紀勝

中有石船丹竈

府志

謹案潘山距東山三十里自是兩山東山

又名潘山乃一山而兩名耳廣東輿圖有

潘山而無東山府縣志有東山而無潘山

似誤

南宮嶺城南一里

黃志

為縣南水口砥柱

一統志

大清

明王湛南宮嶺晚眺詩處處烟蘿面面松雲深不辨鹿麋踪寒泉忽落喧幽澗宿霧旋開露遠峯片石飛來應作燕孤筇化去尙成龍幽深未盡斜陽興杳靄時聞遠寺鐘

茂嶺在城南二里以茂名而名下臨大湖

廣東名勝志

草木鬱茂四時不彫寰宇記作雲霧山

輿地紀勝

馬鞍山在城西二里高十五丈

府志

小華山在城北二里高二十餘丈

郝志

仙井嶺在城西北二里鑑水右旁有井

一統志 大清

世傳潘茂名煉丹仙坡烟從井出故名

黃志

筆架山在城東南十里三峯高聳形如筆架又名

文筆山

郝志

明知府孔鏞創潘仙亭於山椒遺跡尚

存

府志

石龜山在城東十里下有溪澄清如鏡

廣東輿圖麓有

小石形如龜首又化州西南二十里亦有石龜山

上有巨石龜形扣之聲響若鐘

一統志 大清

百祿山在城東南十五里高二十餘丈

廣東輿圖稍南

又有古祿山一統志大清

佛子山在城西十五里有佛祖菴故名府志

射牛山在城東南二十里高聳而秀俗呼石牛山

上有二潭有水流為東河一統志大清

黃花石嶺在城南二十里高二十餘丈廣東輿圖

尖岡在城南稍東二十里秀聳特立一名文峯同上

潘山在縣東三十里昔潘茂名於此昇仙因以名

山寰宇記縣東三十里有雲爐山即此通志

蠶山在城西南三十五里以形似名俗呼王商嶺

黃志其右有那石山高八十餘丈橫鎮水口清一統大

志

銅魚山在城東四十里其下有石井相傳井內生

花是年必有登科第者黃志與郡治相對賴仙翁作

高涼風土歌云一條丁水銅魚寨三十年來舊相

識輿地紀勝

謝賴山在城東四十里高百餘丈一名賴岡同上

雲間山在城東北四十里高三百丈嘗有白雲繚

繞遠望僧舍依稀明滅間府志

石鼓嶺在城西南四十里上有大石圓如鼓廣東輿圖

鼓樓嶺在城西北四十里高三十餘丈

鑑山在城東北四十里下有清溪如鏡故名俱同上

在寶山之北舊有銀坑輿地紀勝

謹案鑑山輿地紀勝作監山

射狼山在城東北四十里相連爲石狗山以形似

名

廣東輿圖

在廢良德縣界古老相傳昔有人射白狼

於此

寰宇記

寶山在縣北四十五里

黃志作四十二里

形如圓珠故名

大清一統志

在州治後去城二里創登高亭於上憑

高一眺郡之山水城市表裏如畫爲一郡勝處圖

經云有麋鳴則赦書至

輿地紀勝

送龍岡在寶山下

龍湫山在郡東五十里下有石穴泉源四時不竭

禱雨立至

俱同上

大小二巖聯峙有石室可容數百

人曲折窈冥最爲奇勝

一統志

大清

巖前石壁有宋

人鑄記云高涼郡東三十里有洞曲折數百步巖

絕異態其下有泉曰龍湫交流石間籟發如湧雲

之狀巖木蒼鬱殆非人境

府志

明姚繼舜記巖深廣可數畝前後爲門者三殆天
闕然宋紹興以前悉無有鐫刻記遊者巖外危峯
峭壁昂藏數十仞上開小隔下啟黃扉規模閎敞
軒朗如屋可布數人席崖石平整可榻要亦人間
所有者從右拾級而上其式如堂欽崎嶇或峙
或垂或倚或疊或躍或踴怪作矣轉而左凌空駕
虛者如樓委蛇蜿蜒者如廊幽深清閎者如齋如
室天球大貝襍然而陳者如房如序從後稍下數
級豁然朗達者如軒其上光明照耀者如窗如竇
軒有竹石罅中數十武穴而至山之巔者如街闢
短闔以達僧廬者如北向戶其間殊形怪狀種種
不一面壁而坐歷恆沙劫不言亦不動者如僧猗
猗欲飛咆哮欲攫者如龍如虎垂鼻敘捲者如象
振翼橫掠者如鵬鏗然者如鐘洪然者如鼓纓頂

蟬翼者如兜鍪半捲而鈞者如簾繡紛而出襍沓而擁者如旌如幡如幢如蓋平者如几欹者如座封口虛腹若有五色霞光明閃閃於其上者如鼎其色則瑩潔皎白滿巖如雕瓊刻玉間有苔蘚侵蝕則深青老綠如瓜皮如點翠其他恍恍惚惚不能浪擬亦不能盡憶但覺烟霞光怪耳

淋水山在城北五十里高五十餘丈廣東輿圖山最聳

拔接信宜界大清一統志

公茆嶺在城西北五十里高三十餘丈廣東輿圖

高涼山在城東北五十里高百餘丈同上圖經云羣

山森然盛夏如秋因名輿地紀勝

大應山在城東北五十餘里高八十餘丈接信宜

縣界廣東輿圖有千歲山在電白縣北四十里或曰即

大應山輿地紀勝

波浪山在良德縣界去州七十里岡壟如波浪古

老相傳海沫成山寰宇記通志有白水山在縣東北

八十里山上飛泉直瀉中有白石鮮明一名白水

嶺疑波浪山大清一統志

大帽山在城東北八十里高百餘丈延綿數十里

廣東輿圖疑即要龍山大清一統志層崖高峯形如帽黃志

橫岡山在城南九十里高六十丈峯巒秀麗如畫

府志

王嶺在城南一百里高三十餘丈廣東輿圖

赤嶺在城東南一百二十里高三十餘丈同上

白藤嶺在城東北一百二十里高廣連綿接西寧

界府志

巴山在縣南

大清一統志

南巴縣取縣東南巴山為

名

寰宇記

方輿記云在電白縣

輿地紀勝

武壇山在縣西高百步

大清一統志

其山圓淨如將

壇

輿地紀勝

毛山在舊潘水縣東二十里相傳昔有毛女隱此

寰宇記

毛山在寶山東晉邑人毛方隱此得服氣之

法自少至老兩頰皆丹凡風雨水旱豐歉預以告

人無不驗者

廣東名勝志

南巴潘水二廢縣皆在縣南

二山應在縣南界

大清一統志

電白縣

莊峒山在城北二里高五十丈蜿蜒十餘里爲縣

主山

大清一統志

山畔有石石下有泉清冷可玩

縣志

謹案廣東輿圖及府縣志莊峒山在城十

里莊山在城二里似是兩山又謂莊山卽

莊峒山殆以山勢綿互而分其名其實一

山也

白蕉嶺在城西南三里高四十餘丈

廣東輿圖

輔弼山在城東北五里高五十餘丈

員嶺岡在城西十里高二十餘丈

俱同上

茶山在城西北十里

大清一統志

謹案寰宇記電白縣茶山下記人化龜事

引南越志云滇陽縣北五里有茶山山有
熱泉源自沸湧輿地紀勝引寰宇記同二
書以韶州滇陽之山羈入高州之電白殊
不可解或者滇陽亦有茶山樂史以為電

白耳

烏石山在城西十里其石皆黑因名

黃志

蓮頭山在城南十里二峯並峙形如並頭蓮

廣東輿圖

崔鬼豐平二峯並峙海濱為縣案山下有沙磧自

東而西控扼海門

大清一統志

雞籠山在城西南十里海濱高二十餘丈

廣東輿圖

帽澗山在城西北十里高六十餘丈

同當亢陽山

有雲如帽卽雨下卽帽潑水

寰宇記

朝烏山在城東十里爲邑左輔

大清一統志

馬鞍山在城北十里山脊皆石其形如鞍

府志

龍潭山在縣北十五里卽龍陣山

廣東輿圖

麓有石竇

湧泉成潭因名

大清一統志

世傳有龍潛於此故俗

以龍甸呼之禱雨輒應

縣志

赤山在城東十五里外卽大洋

同上

又東爲綠豆山

廣東

輿圖

虎牢嶺在縣東北莊峒山迤東十里中有石洞如

虎圈然射合水出此

大清一統志

射合岡在保寧縣

界去高州二十六里

寰宇記

雙木山在城西二十里高一百餘丈

廣東輿圖

文字嶺與雙木山相連山岐交加若文字然

府志

流桴山在城東南二十里高百餘丈

廣東輿圖

大汾洲小汾洲山在城西南二十里海中

大清一統

志

四面皆海望之烟嵐變隼墮在水中

縣志

響水山在縣西二十里山有高湍下流琮琤故名

大清

一統志

洲山在縣西南二十里海中又西十里為放雞山
航海者皆以雞祀焉

青峙山在縣東南二十餘里曰小青峙又東汾南

十里有大青峙山皆挺峙海中為縣捍衛

俱同上

熱水山在縣西三十里下有泉湧出熱如鼎沸廣東

輿圖山氣常煖其笋常先春而生又西十里為龍門

山大清一統志上有石牀長二丈餘廣七尺刻浴沂

石三字浴溫泉畢多卧其上萬厯初年泉忽涼冷

越八十餘年有過客云陽鬱為陰熱鬱為寒宜濬

導之三日後復溫粵中見聞

題字嶺在城北三十里上有巨石卓立如牌字跡

隱隱旁有馬蹄痕相傳仙人乘馬題詩於此土人

呼為馬踏石府志

山厚山在城東三十里迥立海旁圓正而秀廣東輿圖

蛟潭山在城西北三十里又五里為金山四山皆